

Umiarsuarni inuttat pillugit inatsisip allangortinneqarnera pillugu inatsisit ilaasa Kalaallit Nunaannut atuutilersinneqarneri pillugit eqikkaaneq

Umiarsuarni inuttat pillugit inatsit 1997-meersoq kunngip peqqussutaatigut nr. 608, 25. juni 2001-meersukut kiisalu kunngip peqqussutaatigut nr. 212, 23. marts 2005-imeersukut Kalaallit Nunaannut atuutilersinneqarpoq. Umiarsuarni inuttat pillugit inatsimmi kingusinnerusukut arlalinnik allanguisoqarsimavoq, Kalaallit Nunaannut atuutilersinneqarsimanngitsunik.

Kunngip peqqussutissaatut siunnersuutikkut ilanngunneqartukut umiarsuarni inuttat pillugit inatsit Kalaallit Nunaannut atuuttusoq annertuutigut Danmarkimi atuuttumut inatsimmut naapertuutilissaq.

Umiarsuarni inuttat pillugit inatsimmi allanguutit Kalaallit Nunaannut atuutilersinneqarneri pillugit kunngip peqqussutaanut missingiut, Kalaallit Nunaanni pissutsit tunngavigalugit allanguuteqartillugu inatsisini aalajangersakkat uku atuutilersinneqarput:

- Umiarsuarni inuttat pillugit inatsimmi allanguutit pillugit inatsit nr. 1261, 20. december 2000-meersoq.
- Inuttanut inatsimmi aalisariutini sunngiffimmilu angallatini usitussutsimut killiliussat allangortinneqarneri pillugit nalunaarut nr. 465, 14. juni 2002-meersumi § 1, im. 1.
- Imarsiortut pillugit inatsisip aamma umiarsuarni inuttat pillugit inatsisip allangortinneqarnera pillugu inatsimmi nr. 1462, 22. december 2004-meersumi § 2, imm. 4.
- Imaani isumannaatsuunissaq pillugu inatsisip, imarsiortut pillugit inatsimmi aamma inatsisini allani assigiinngitsuni allanguineq pillugu inatsimmi nr. 493, 12. maj 2010-meersumi § 3, nr. 2-5 aamma 7-11 aamma umiarsuarni inuttanik sulisussarsisarneq pillugu inatsisip atorunnaarsinneqarnera.
- Umiarsuarni inuttat pillugit inatsit pillugu inatsimmi nr. 622, 14. juni 2011-meersumi § 1, imarsiortut akileraarusersortarneqartarneri pillugit inatsit aamma inatsisit allat assigiinngitsut, Handelsflådens Velfærdsråd pillugu inatsit imaanilu isumannaatsuuneq pillugu inatsit.
- Umiarsuarni inuttat pillugit inatsisip allangortinneqarnera pillugu inatsimmi nr. 478, 30. maj 2012-meersumi § 1, nr. 2 aamma 4, aamma imarsiormi ilinniartitaanerit pillugit inatsit aamma ilisimasortaqartarneq pillugu inatsit.
- Umiarsuarni inuttat pillugit inatsisip allangortinneqarnera pillugu inatsimmi nr. 478, 30. maj 2012-meersumi § 1, nr. 3, imarsiormi ilinniartitaanerit pillugit inatsit aamma ilisimasortaqartarneq pillugu inatsit, umiarsuarni inuttat pillugit inatsimmi §§ 24 a-24 g eqqarsaatigalugit.
- Pinngitsoorani digitalikkut attaveqatigiinneq il.il. pillugit inatsisini aalajangersakkat assigiinngitsut allangortinneqarneri pillugit inatsimmi nr. 1231, 18. december 2012-meersumi § 60.
- Imarsiormi inatsisip allangortinneqarnera pillugu inatsimmi nr. 1384, 23. december 2012-meersumi § 4, tippussaaneq pillugu inatsimmut tapiliussaqq pillugu inatsit, umiarsuarni inuttat pillugit inatsit inatsisillu assigiinngitsut allat kiisalu sunngiffimmi angallatit nalunaarsorneqartarnerinut akitsuut pillugit inatsisip atorunnaarsinneqarnera.
- Imarsiormi inatsisip allangortinneqarnera pillugu inatsimmi nr. 400, 2. maj 2016-meersumi § 5, umiarsuarni inuttat atorfinitsinneqartarnerinut atugassaaitat pillugit il.il. inatsit, imaani isumannaallisaaneq pillugu inatsit inatsisillu allat assigiinngitsut.

Inatsisini allannguinerit

Inatsit nr. 1261, 20. december 2000-imeersaq

Inatsimmiipput nunat allamiut imaani inuussutissarsiuqeqarnermut uppersaataannik atsiormi akitsuutit pillugit aalajangersakkat.

Inatsit Kalaallit Nunaannut atuuppoq, taamaattumik peqqussutip nalunaarutiginerani naleqqussarlugu ilanngunneqarluni.

Nalunaarut nr. 465, 14. juni 2002-meersaq

Nalunaarutikkut aalisariutinut sunngiffimmilu angallatinut usitussutsit killileneri angissusaannullu kisitsisit pillugit maleruagassat allangortinneqarput.

Nalunaarummi § 1, imm. 1-imi allannguinerit takuneqarsinnaasut peqqussutikkut Kalaallit Nunaannut atuutilersinneqassapput. Nalunaarut aamma peqqussutip atuutilersinneqarnerata peqatigisaanik nutarterneqassaaq.

Inatsit nr. 1462, 22. december 2004-meersaq

Inatsisikkut umiarsuarni niuffagiutini aalisariutinilu aquttunut inuiaassusermut piunasaqaatit kiisalu nunani allani ilinniartitaanerit akuerineqartarnerinut atatillugu suleriaatsit naleqqussarneqarput. Peqqussutip kingunerisaanik inuit, Danmarkimi maleruagassat naapertorlugit danskit umiarsuaanni sulisinnaatitaasut, aamma Kalaallit Nunaanneersuni umiarsuarni sulisinnaalerput. Peqqussutip sulinissamut akuersissutit il.il. pillugit Kalaallit Nunaanni maleruagassanik attuinngilaq.

Inatsit nr. 493, 12. maj 2010-meersaq

Umiarsuup isumannaatumik ingerlanneqarneranut peqqussut naapertorlugu umiarsuaatillip akisussaamera aamma najoqqutassamut (kode) akisussaassuseqartunut akisussaaneq pillugu, imaani isumannaatsuunissaq pillugu inatsimmi tunngavigineqartut iluanni nakkutilliineq aamma umiarsuarni igasut pillugit aalajangersakkat nutaat inatsimmi naammassineqarput.

Inatsit nr. 622, 14. juni 2011-meersaq

Umiarsuaq inummit, Danmarkimi innuttaasuunngitsumit ingerlanneqartillugu danskisut innuttaassuseqarnissamut piunasaqaammik saneqqussisinaanermut akuersinissaq pillugu aalajangersakkanik inatsit imaqarpoq.

Inatsit nr. 478, 30. maj 2012-imeersaq

Imarsiornermi ilinniartitaanerit – taamaattoorli piffissami sivikitsumi pikkorissarnerit kiisalu sunngiffimmi angalasartunut ilinniartitaanerit pinnagit – Inuussutissarsiornermut Siuariartormullu ministereqarfimmiit (Søfartsstyrelsi) Danmarkimi Ilinniaqqittarnermut Ilisimatusarnermullu ministereqarfimmut (Styrelsen for Videregående Uddannelset) nuunneqarnerini inatsit malitseqartitsivoq.

Inatsisip kingunerisaanik nunani tamalaani akuerineqartut aalajangersakkat sillimaffigalugit Søfartsstyrelsi suli ilinniartitaanikkut, piukkunnassutsikkut uppersaataatigullu piunasaqaatinik, danskit umiarsuaanni sulinissamut naammassineqarsimasussat pillugit aalajangersakkanik akuersisassaaq.

Danmarkimi Søfartsstyrelsi isumaqatiginninniarfigereerlugu, inuttat pillugit inatsit naapertorlugu aalajangersarneqartut ilinniartitaanerit pillugit maleruagassanik Styrelsen for Videregående Uddannelser aalajangersaasuvoq, tassunga ilanngullugit pitsaassutsimik qulakkeerineq, aamma ilinniartitaanerit nunani tamalaani aalajangersarneqartunik piunasaqaatinik naammassinninnerit Søfartsstyrelsip nakkutigissassavai aamma ilinniagaqartut naammattumik piginnaasaqalernissaat nakkutigissallugu.

Piffissami sivikitsumi pikkorissarnernut aamma sunngiffimmi umiartortartut ilinniartitaanerinut Danmarkimi Søfartsstyrelsi suli akisussaasuvoq.

Ilinniartitaanermut tunngasut Kalaallit Nunaanni Namminersorlutik Oqartussanit suliassaapput, taamaattumillu Søfartsstyrelsip aamma Namminersorlutik Oqartussat akornanni taamaaqataanik akisussaaffiit agguarnerinik peqqussummi ikkussisoqassalluni. Peqqussutip taamaalilluni kingunerisaanik Søfartsstyrelsi aamma ilinniartitaanikkut, piginnaasatigut uppersaatigullu piumasaqaatinik siunissami aalajangersaasassaaq, kalaallit umiarsuaani sulinissamut naammassineqarsimasussat, aamma Namminersorlutik Oqartussat suli taakkuullutik Kalaallit Nunaanni ilinniartitaanernik isumaginnittuusut, tassunga ilanngullugu tamanna pillugu maleruagassanik pisariaqartunik aalajangersaaneq.

Ilinniagaqartut naammattumik piginnaasaqalersillugit ilinniartitaanerit kinguneqarnerinik, aamma ilinniartitaanerit nunani tamalaani piumasaqaatinik naammassinninnerannik Søfartsstyrelsi maannamutut nakkutiliissaaq, tassunga ilanngullugit ilinniarfeqarfiit pitsaassutsinik isumannaarinerinut tunngasut piumasaqaatit.

Sunngiffimmi umiartortut piffissami sivikitsumi pikkorissarneri ilinniartitaanerilu ilinniartitaanerit allat ingerlannerisullu Namminersorlutik Oqartussanit suliassaapput. Ilinniartitaanernut taakkununga Søfartsstyrelsip akisussaana pillugu inatsimmi nr. 478, 30. maj 2012-meersumi aalajangersakkat taamaattumik peqqussummi ilanngunneqanngillat. Peqqussut malillugu Søfartsstyrelsi taamaalilluni sunngiffimmi angalasartunut piginnaasaqarnissamut piumasaqaatinik taamaallaat aalajangersaasassaaq, aqutsisoqarfillu Kalaallit Nunaanni sunngiffinni umiartortut ilinniartitaanerinik akisussaanaani.

Inatsit nr. 1231, 18. december 2012-meersaq

Inatsimmi digitalikkut attaveqaqatigiinneq pillugu maleruagassat nutaat naammassineqarput.

Inatsit nr. 1384, 23. december 2012-meersaq

Inatsisikkut imaani inuussutissarsiuteqarnermut piginnaasatigullu uppersaasatit pillugit akiliisarneq pillugu maleruagassat naammassineqarput.

Inatsit nr. 400, 2. maj 2016-meersaq

Inatsisip aalajangersarpaa, Søfartsstyrelsi umiarsuarni inuttaqarnermut tunngatillugu allagartamik akuersisummik tunniussinani maleruagassanik immikkut ittunik aalajangersaasinnaasoq umiarsuarnut 20-t inorlugit tamakkiisumik usitussusilinnut Kalaallit Nunaata imartaani angalasunut.